



Publicaziuns dalla vischnaunca, jamna 08

Votaziuns federalas dils 7 da mars 2021

L'urna principala en casa communal e aviarta sco suonda: **Dumengia: 7-3-2021, 9.00–11.00**

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 5 da mars 2021, allas 17.00**, tier l'administraziun communal (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 7 da mars 2021 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damondas da baghegiar

2021-1006.000

Datum dalla publicaziun: 26 da fevrer 2021

Il patrun: StWEG casa Sera, Via Acletta 14, 7180 Disentis/Mustér

Il representant: Werner Wittmann, Via Acletta 12, 7180 Disentis/Mustér

Object: Sanaziun dil tetg-casa cun isolar e construcziun d'ina finiastra tetg, parcella 1289, Via Acletta 14, 7180 Disentis/Mustér

2021-1007.000

Datum dalla publicaziun: 26 da fevrer 2021

Il patrun: Sunrise Communications AG, Thurgauerstrasse 101B, 8152 Glattpark (Opfikon)

Il representant: TM Concept AG Delfterstrasse 12, 5000 Aarau

Object: Midada d'antenna pigl indrez da telefonia mobila Sunrise GR584-1, Parcella 2878, Salaplauna, 7180 Disentis/Mustér

2021-1008.000

Datum dalla publicaziun: 26 da fevrer 2021

Ils patruns: Elisabeth e Niklaus Waldis, Segantinstrasse 17, 7000 Cuera

Object: Construcziun d'ina suosta per aviuls, parcella 1831, Via Plaun-Sut 9, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.



Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2021-2006.000

Anita ed Urs Zäh-Seiler, Sonneggstrasse 50, 8006 Turitg; colurar la fatschada digl edifices nr. 77, parcella 722, Via Lucmagn 3, 7180 Disentis/Mustér.

Disentis/Mustér, ils 26 da fevrer 2021
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 26 da fevrer 2021, allas 20.15** en halla Cons.

Tractandas:

1. Protocols 31-2017/2020 e 1-2021/2024
2. Revisiun parziala dalla planisaziun locala:
Via da velos da muntogna Gendusas–Caischavedra;
Plan general d'avertura/Skillspark al Crest d'Acletta;
Plan da zonas e lescha da baghegiar (messadi nr. 1-2021/2024)
3. Cussegl da vischnaunca 2021/2024 – Finamiras e program:
Orientaziun (messadi nr. 2-2021/2024)
4. Cumissiun per optimar l'organisaziun communal:
Nominaziun da quater cusseglier/-as (messadi nr. 3-2021/2024)
5. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Controlla da habitonts

Naschientscha

Sven Alexander Deflorin, naschius ils 17 da fevrer 2021, fegl da Daniela ed Adrian Deflorin

Nossa scola populara Mustér

Negins dis dallas portas aviartas 2021

Pervia dil coronavirus han ils usitai dis da viseta da fin mars deplorablamein buca liug. Gia per la secunda gada stuein nus ord motivs enconuschents desister da beneventar Vus en nossa scola.

Nus essan da buna fei d'astgar arver per Vus las portas da nossa scola puspei il mars 2022.
Stei saun/-as e cordials salids

Entrada anticipada en scoletta

Mintgamai igl uost entran ils affons che han cumplenu il tschunavel onn da vegliadetgna tochen ils **31 da december** dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon.



In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto corrispunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffergnadi en scoletta.

Dapli informaziuns survegnan geniturs interessai tiel meinascola Roger Tuor (081 936 44 25, meinascola@scoladisentis.ch). Annunzias san vegnir inoltradas tochen ils **12 da mars 2021**. Annunzias suenter quei termin san buca pli vegnir risguardadas.

Cordials salids
Nossa scola populara Mustér

Trofea Péz Ault

Muort la situaziun en connex cul coronavirus ei la Trofea Péz Ault dalla fin da mars annullada. Alternativ dat ei ina concorrenza «Trofea Challenge» cugl app «Strava». Quella concorrenza sil tschancun da S. Catarina a Caischavedra cuoza tochen la fin da mars. Informaziuns dat la pagina d'internet www.trofea.ch.
